

ՄՇԱԿ

Տարեկան ցինը 10 ռուբլ, կես տարվանը 6 ռուբլ:

Առանձին համարները 5 կոպեկով:

Թիֆլիսում գրվում են միմյանի նմանադրություն մեջ:

Օտարադրությունը ցինում են ուղղակի

Тифлис. Редакция «Мшак»

Խմբագրությունը ըստ է առաջադրված 10—2 ժամ

(Բացի կիրակի և տոն օրերից)

Հայտարարությունը ընդունվում է ամեն լիզուով:

Հայտարարությունը համար գնալու է

խորանային թաղին 2 կոպեկ:

„ՄՇԱԿ“

ԼՐԱԳԻՐ ՔԱՂԱՔԱԿԱՆ ԵՒ ԳՐԱԿԱՆԱԿԱՆ

1881 թ. Բ. Ի. Ն.

(ՏԱՍԵՐՈՐԴ ՏԱՐԻՆ)

Կը հրատարակվի նաև գիրքով և նոյն պրոգրամայով ԱՄՆՆ ՕՐ (բացի տոն և տոնիկին հե-

տեղա օրերից): I. Տեղաթեման կարգադրություններ, II Առաջնորդող յոգուածներ, III Ներ-

քին տեսություն, IV Արտաքին տեսություն, V Խառն լուրեր, VI Հեռագրիներ, VII Ֆելիտոն և

ԼՐԱԳՐԻ ԳԻՆԸ, տարեկան 10 ռուբլ, կես տարվան 6 ռ., հինգ ամս. 5 ռ., չորս ամս. 4 ռ., երեք ամս. 3 ռ. երկու ամս. 2 ռ. և մի ամս. 1 ռուբլ:

Գրվել կարելի է խմբագրությունում մեջ հետևեալ հասցեով. Тифлис, редакция «Мшак».

Խմբագիր-հրատարակող ԳՐԻԳՈՐ ԱՐԾՐՈՒՆԻ

ԲՈՂԱՆԴԱԿՈՒԹԻՒՆ

Թող իրանք մտածեն:—Ներքին տեսու-
թիւնը Գործում օրիորդական պրոգրամայի
բացման մասին: Նամակ Բագրուկի: Նամակ Խըմ-
բագրին: Ներքին լուրեր: Արտաքին տեսու-
թիւնը: Քրդահայեր: Նամակ Թիւրքիայից:—
Խառն լուրեր:—Մշակիչ հեռագրիներ:—Հայ-
տարություններ:

ԹՈՂ ԻՐԱՆՔ ՄՏԱԾԵՆ

Այս րօպէիս ամբողջ թիֆ-
լիսը հետաքրքրող հարցը այն
քննութիւնն էր, որ ձայնաւոր
Չուբալովի առաջարկութեամբ
նշանակվեցաւ գումայի կողմից
քաղաքային գանձարանի վրա:

Քննութիւնից երեսց որ հաշ-
ւապահութիւնը մեր քաղաքային
վարչութեան մէջ ամենանահա-
պետական է, կամ աւելի լաւ է
ասել ոչինչ հաշւապահութիւն
չը կայ:

Գանձարանի մէջ փողը պակաս
գտնվեցաւ, քան թէ սպասելի
էր: Աւարչութեան բոլոր անդամ-
ները, քարտուղարը, բոլոր ծա-
ռայողները չորս, հինգ ամիս ա-
ռաջ կանխիկ էին վեր առել ի-
րանց ռոճիկները և այդ ռոճիկ-
ները ոչ մի տեղ արձանագրված
էին վարչութեան մատենաների
մէջ, այլ գտնվեցան միայն ստա-
ցականների, կամ որ և է զօկու-
մնանների տեղ թղթերի կտոր-
ներ, առանց ստացման թւի, և
այլն:

Պատմում են, թէ և մենք
հրաժարվում ենք այդ տեսակ
պատմաներին որ և է հաւատ
ընծայել, որ ռոճիկները ամենին
տուած էին կանխիկ, այլ իբր
թէ քաղաքային վարչութեան
անդամները, երբ գանձարանի վրա
քննութիւնը յանկարծակի կեր-
պով նշանակվեցաւ, վճռեցին
կասալային պակասորդը լրացնելու

նպատակով ձեռի համար բաժա-
նել իրանց մէջ պակաս լինելու
գումարը, որպէս թէ նրանցից
իւրաքանչիւրը մի քանի ամսվայ
ռոճիկը կանխիկ էր ստացել:
Գրանով են բացատրում պատ-
մողները, որ կանխիկ վեր առած
ռոճիկների գումարի նշանակելը
կասալայի մատենաներում անհա-
րին եղաւ, որովհետեւ նայն երե-
կոյ, երբ գումայի կարգադրու-
թեամբ վճռվեցաւ յանկարծակի
վերաքննութիւնը, գանձարանը
իր բոլոր գրքերով կնքվեցաւ:

Մենք կրկնում ենք որ մենք
այդ տեսակ լուրերին հրաժար-
վում ենք հաւատալ և աւելի
հաւանական ենք համարում այն,
որ առհասարակ մեր քաղաքային
վարչութեան հաշւապահութիւնը
անկարգ էր, իսկ անդամների
յարաբերութիւնը դէպի գանձա-
րանը չափից դուրս նահապետա-
կան և, եթէ կարելի է ասել,
ընտանեկան էր, այնպէս որ
երբ պարոնները կամենում էին,
միշտ հնար ունէին գանձարանից,
առանց ստացականի, իրանց մի
քանի ամսվայ ռոճիկները կան-
խիկ ստանալու:

Չը նայելով քաղաքային դե-
կավարների այդ տեսակ օտարոտի
և բուն ընտանեկան յարաբերու-
թեան դէպի քաղաքային գան-
ձարանը, երբ գումայի վերջին
նիստի ժամանակ վերաքննող
յանձնաժողովը ներկայացնում էր
իր զեկուցումը, գտնվեցան բազ-
մաթիւ ձայնաւորներ, որոնք
յանձն առան պաշտպանել քա-
ղաքային վարչութեան հաշւա-
պահութեան ձեւը, հաւատացնե-
լով, որ այդ հաշւապահութիւնը
օրինակելի է: Նշանաւոր է, որ
այդ անկանոն հաշւապահութեան
դէմ ամենից քիչ բողոքեցին նոյն
իսկ այն մեր ձայնաւորները,

որոնցից, որպէս մասնագէտներից,
մենք ամենից աւելի իրաւունք
ունէինք սպասել այդ տեսակ
անհոգ, անկանոն, անճիշդ և
փտանգաւոր հաշւապահութեան
ձեւի խիստ, արգարադատ, ան-
խնայ քննադատութիւն և դա-
տապարտութիւն, քանի որ նրանց,
այդ մասնագէտներին, ամենից
լաւ յայտնի պէտք է լինի թէ
ինչ բան է կանոնաւոր և ինչ
բան է անկանոն հաշւապահու-
թիւնը:

Չուբալովի խօսքերի և բո-
ղոքների վրա նիստի ժամանակ
ոչ ոք չէր կամենում ուշադրու-
թիւն դարձնել և գուման վճռեց
առանց հետեւանքի թողնել գոր-
ծը, անցնելով հերթական հար-
ցերի: Տեղական ուսու լրագիր-
ները լսել են որ ձայնաւոր Չու-
բալով դիտաւորութիւն ունի, այդ
պատճառով, գանգատվել նահան-
գական վարչութեանը գումայի, իր
կարծիքով, ապօրինի վճռի դէմ:

Մենք մեր կողմից միայն հե-
տեւալ հարց կառաջարկենք:
Եթէ, ճշմարիտ է, քաղաքային
վարչութիւնը այդքան անկանոն
կերպով է տանում իր գործերը,
այդքան անկանոն և անհոգ կեր-
պով պահում է գանձարանի հա-
շիւները, եթէ նրա մատենաներն
ու հաշիւները այդքան խառն և
անճիշդ են, ի՞նչ երաշխաւորու-
թիւն կարող է ունենալ հարկա-
տու քաղաքացին, որ քաղաքա-
յին վարչութեանը իր վճարվող
տուրքերը կանոնաւոր և օրինա-
ւոր կերպով են պահանջվում,
ի՞նչ երաշխաւորութիւն կարող
ենք ունենալ մենք ամենքս, որ
մեզանից մինից պակաս չէ պա-
հանջվում, իսկ միւսից աւելի,
քան թէ մենք պէտք է մոցնենք
քաղաքային գանձարանը, վեր-
ջապէս ի՞նչ երաշխաւորութիւն
ունենք, որ մեզանից շատերից
երկու, երեք անգամ չեն պա-
հանջվում մի և նոյն վճարները:

Չը պէտք է մոռանանք, որ
մեր քաղաքային գործերի ղեկա-
վարները, այդ բոլոր պարոնները,
որոնք, ինչպէս յայտնվեցաւ,
հասկացողութիւն չունեն ոչ թէ
միայն կանոնաւոր, բանկային
հաշւապահութեան մասին, բայց
մինչև անգամ ամենափոքր հա-
կացողութիւն էլ չունեն ամե-
նահասարակ, մեր սնդրագէտ
խանութատերերից գործածվող
հաշւապահութեան մասին, որ
այդ բոլոր պարոնները ուսում ա-

ռած, լուսաւորված, բարձրագոյն
ուսում ստացած մարդիկ են:

Այժմ թող քաղաքային ազ-
գաւանակութիւնը ինքն մտածէ
ու դատէ. արդեօք հնարաւոր է
իրան մեծ յոյսեր դնել իր ինտե-
լիգենցիայի վրա, որ նա իր ամեն
հասարակական գործերում իր
համար ղեկավար է ընտրում
և որին նա իր ամեն գործերն է
յանձնում:

Գ. Ա.

ՆԵՐՔԻՆ ՏԵՍՈՒԹԻՒՆ

ԳՕՐԻՈՒՄ ՕՐԻՈՐԴԱԿԱՆ ՊՐՕԳՆՄԱԶԻԱՅԻ
ԲԱՅՄԱՆ ՄԱՍԻՆ

Նովկասեան ուսումնական շրջանի պ. հո-
գաբարձուի թոյլտուութեամբ հասարակա-
կան և մասնաւոր միջոցներով ԳՕՐԻ քաղա-
քում բացվում է չորս դաստանից և մի
պատրաստականից բաղկացած օրիորդական
պրօգրիմապիա:

Հոգաբարձական Ժողովի կարգադրու-
թեամբ պրօգրիմագիւն բացվելու է օգոս-
տոսի 30-ին: Նոյնընտր ու ազգականները,
որոնք կամենում են իրանց աղջիկներին
կամ ազգականներին դաստիարակել նոյն
պրօգրիմագիւնում, սոյն յայտարարութիւնը
հրատարակելուց յետոյ մինչև օգոստոսի
25-ը, կարող են հասարակ թղթի վրա
գրված խնդրիք տալ հոգաբարձական Ժո-
ղովի պ. նախագահի անունով, որ է Անդր-
կովկասեան ուսուցչական դպրանոցի կառավա-
րիչը. խնդրիքի հետ կցվում է նաեւ մեռ-
րիքականի քաղաւածը կամ վկայականը:
Առաջին տարում բացվելի պրօգրիմագիւն
ունենալու է պատրաստական և առաջին
դաստաններ, նաեւ երկրորդը, եթէ յար-
մարութիւն ունեցող ցանկացողները 15-ից
պակաս չեն լինի ծարեկան վճարը պար-
տաւորիչ առարկաների համար լինելու է:
պատրաստականում 15 ռուբլի, առաջում
20 ռ., երկրորդում 30 ռ.:—Փողերը պիտի
առաջարկվին ամեն կէս տարուայ համար
կանխիկ—օգոստոս և յունվար ամիսներում:
Երեխաները բերվում են ուսումնարան օ-
գոստոսի 25-ին նոցա ուսմանը համապա-
տասխանող դասարաններում տեղափոխու-
համար: Պատրաստական դասարանում ըն-
դունվում են նաեւ բոլորովին անգրագէտ
աղջիկներ 7-ից մինչև 12 տարեկան հա-
սակի, իսկ միւս դասարաններում ըստ հար-
ցաքննութեան 10—14 տարեկանները:

Օտարաքաղաքացիք կարող են իրանց ե-
րեխաներին ղեկողի օրիորդ Խըռչչոյի
պանսիօնում—առանձին պայմանով փոխա-
դարձ համաձայնութեամբ:

Պրօգրիմագիւնի պարտաւորիչ առարկա-
ներին պատկանում են՝ կրօնագիտութիւն
ուղղափառ և հայ-լուսաւորչական դա-
ւանութեանց, ուղեւաց, վրաց և հայոց լե-
զուներ, թուաբանութիւն, երկրաչափու-
թիւն, աշխարհագրութիւն, պատմութիւն,
քննադատութիւն, վայելչագրութիւն, նկար-

չութիւն, մարմնամարդութիւն, պար, երգեցողութիւն և ձեռագործ: Կամաւոր առարկաների համար, այսինքն զաղղիւրէն և գերմաներէն լեզուներն ու երաժշտութեան համար նշանակուած է առանձին լրացուցիչ վճար, որի քանակութիւնը կախած կը լինի այս երեք առարկաներից մէկը ուսանել ցանկացողներին թուից: Պրօգրիմագիտի ուսումնական ընթացքը բոլորովին համապատասխան կը լինի թիֆլիսի օրիորդական պրօգրիմագիտի նախագծին, որպէս զի այն օրիորդները, որոնք կը ցանկանան իրանց ուսումը շարունակել թիֆլիսի օրիորդական գիմնազիայում—կարողանան ուղղակի V դասարանը մտնել:

Մտադրութիւն կայ ապագայում նոյն պրօգրիմագիտի մէջ բաց անել նաև մանկավարժական գասարաններ—երկու տարուայ ընթացքով, որպէս զի ցանկացողը կարողանան իրաւունք ստանալ ուսուցչուհու պաշտօններ կատարելու քաղաքի կամ գիւղերի սկզբնական դպրոցներում: Պրօգրիմագիտի կառավարչուհի հոգաբարձական ժողովից միաբերան ընտրված է իշխանուհի Մարիամ Գրիգորեան Մակայեվա, որ իր ուսումը ստացել է Պետերբուրգի առաջին օրիորդական գիմնազիայում և յայտնի է արդէն իր մանկավարժական փորձառութեամբ:

ՆԱՄԱԿ ԲԱԳՈՒՅՑ

Յունվարի 19-ին

Որպէս կարգադրող Բագուի մէջ 7-ին յունվարի տրված հայոց ներկայացման, ես, համաձայն ներկայացման մէջ մասնակցած երկուստարու թեան ցանկութեան, պատիւ ունեմ ուղարկել ձեզ 231 թուրք, փոստի ծախսը հանած, կցելով այդ իմ նամակին և ներկայացման հաշիւը, որ և խնդրում եմ տպագրել ձեր լրագրում:

Յունվարի 7-ին Բագուի ժողովարանում յոգուտ Վանի սովատանջների և Մարգարիտական ընկերութեան գրադարանի տրված հայոց ներկայացման հաշիւը, որի գուտ արդիւնքը հաւասարապէս բաժանվեցաւ երկու մասի վրա:

Պատրաստված տոմսակներից 648 թուրք գումարի մնացին չը ծախված 16 տոմսակ, իւրաքանչիւրը 1 ռ. 50 կ. գնի, և 6 տոմսակ 1 թուրքիանոց, բոլորը 30 թուրք գումարի: Մնացած տոմսակներ 618 թուրք, աւելորդ ամբողջների համար ստացվեցաւ 12 թուրք, խօրերից 9 ռ., աֆիշաներից 2 ռ. 30 կ., աւելորդ տուած փող 1 ռ. Ընդամենը 642 ռ. 30 կ.:

Մնացած եղել է: Հաշուով տրված նոր դեկորացիայի նիւթերի համար 31 ռ., դեկորատորին և բանաւորներին 20 ռ., հիւանդին 3 ռ., աֆիշաներ և տոմսակներ տպելու, կպցնելու և տարածելու համար 20 ռ., երաժշտութեանը 30 ռ., լուսաւորութեան համար 27 ռ., պարիկմախէրին 8 ռ., 13 զիւժին ամբողջների վարձ 13 ռ., ծառաներին 11 ռ., զգեստի համար 3 ռ., պիէսաները բերել տպելու համար հեռագիրների վճարը 6 ռ. 60 կ., մանր ծախսերի համար 5 ռ.: Ընդամենը 177 ռ. 60 կ.:

Ուրեմն գուտ արդիւնք մնում է 464 ռ. 70 կ., որ բաժանելով երկուսի վրա, կը մնայ 232 ռ. 35 կ., իսկ փոստի ծախսը հանելով 231 թուրք, որ և ուղարկվում է սորա հետ «Մշակի» խմբագրութեանը, յոգուտ Վանի սովատանջներին յատկացնելու համար: Միւս կէսը պատկանում է «Մարգարիտական» ընկերութեան գրադարանին:

Ներկայացմանը մասնակցած հայ երիտասարդութիւնը իւր ի սրտէն շնորհակալութիւն է յայտնում պ. Գոնչարով արտիստին, այն ջանքերի համար, որ պարտնը, որ և է վարձից հրաժարվելով, զորք գրեք բեմը կազմակերպելու և նոր դեկորացիաները պատրաստելու համար:

Խ. Անտօնով

ՆԱՄԱԿ ԽՄԲԱԳՐԻՆ

Թիֆլիս, 3 փետրվարի

Անցեալ յունվարի 23-ին արուեստաւորների ժողովարանի դահլիճում տուած համեստ ընտա-

նեկան երեկոն, որ նշանակւած էր յոգուտ Կ. Պօլսոյ Միացեալ ընկերութեան, տուեց եկամուտ 442 ռ.:

Գուրս հանելով այդ գումարից մուղիկայի, սաղանդարների և բուֆետի ծախսը—ընդամենը 124 ռ. 50 կ., մնացեալ 317 ռ. 50 կ. ուղարկելով ձեզ, խնդրեմ տնօրինէք հասուցանելու ընկերութեան:

Չեմ կարող խորին շնորհակալութիւն չը յայտնել արուեստաւորների կուրբի ժողովին, որի ներկայացուցիչները հասկանալով այսպիսի գործոց նպատակը ժողովարանի դահլիճը և սեղանատունը ձրիաբար առաջարկեցին երեկոյի համար բացի լուսաւորելուց, որի ծախսը ընդամենը 25 թուրքի ևս ընդունեցի ինձ վրա. մի և նոյն ժամանակ կը յայտնեմ պ. Մարտիրոսեանցին իմ շնորհակալութիւնս, որ նա տպեց տոմսակները առանց վարձատրութեան:

Ազէքսանդր Մէլիք-Փաշայեանց

ՆԵՐՔԻՆ ԼՈՒՐԵՐ

Շաբաթ օր, փետրվարի 7-ին ուղարկեցինք Կիւլպէնկեան եղբայրների առեւտրական տան ձեռքով, որի ներկայացուցիչն է թիֆլիսում խուպիսերեան կարապետ աղան, 1000 թուրք յոգուտ Կ. Պօլսոյ «Միացեալ» ընկերութեան:

Մեզ խնդրում են յայտնել որ փետրվարի 12-ին, հինգշաբթի օր լինելու է Արծրունու թատրոնում ուսուց թատրոնական ներկայացում, բարեգործական նպատակով, որին մասնակցելու են ուսուց թատրոնական խմբի ամենալաւ ոյժերը: Կը ներկայացնեն Շպարիտու «Փօֆան» նոր պիէսան, որ մեծ ընդունելութիւն գտաւ Մոսկվայում և Ս. Պետերբուրգում:

Ինչպէս յայտնի է ընթերցողին, փետրվար ամսից սկսած այլ ևս լինելու չէ թիֆլիսում ուսուցչաւ, այլ նրա տեղ լինելու են ուսուց զբոսաւորական ներկայացումները: Պ. Պալմ արդէն տպված յայտարարութիւններով յայտնել է թէ ուլքեր են լինելու թատրոնական խմբի մասնակցողները: Գերատանուհիների թեւում մենք կարգաւորեք և Նեմկով-Բալթի տիկնոջ անունը:

«Русский Курьер» լրագրում կարգում ենք, որ Նորին Կայսերական Բարձրութեան Կովկասեան փոխարքայի առաջարկութեամբ, կառավարութիւնը ղրաւարութիւն ունի բնակեցնել Ղարսի նահանգում մի քանի հազար ուս երկրագործ ընտանիքներ:

Մայրաքաղաքների ուս լրագրութիւնը լի է հանգուցեալ Գոստոեվսկի մատենագրի թէ՛կեանքի և թէ նրա թողման հանդիսի նկարագրութիւններով: Մի ժամանակ Գոստոեվսկի մեծ հռչակ ունեւ ուսուց գրականութեան մէջ, Նրա բռնաները, մանաւանդ որոնք հասարակական և իրաւաբանական նշանաւոր հարցեր էին քննադատում, ինչպէս օրինակ «Записки мертвого дома» և «Преступление и наказание» որոնցից առաջինի մէջ քննված է բանտարկվածների կամ քարտուղիների գրութիւնը, իսկ երկրորդը յանցանքի հոգեբանական քննութիւն է, մեծ արձագանք էին գտել իրանց ժամանակին ուս հասարակութեան մէջ: Բայց վերջին տարիները Գոստոեվսկի ընկաւ հիւանդոտ միտքիցով մէջ և կորցրեց իր բոլոր հայեացքների թարմութիւնը, իր նախկին առողջ դատողութիւնը: Նրա թողման հանդիսին ներկայ էին Ս. Պետերբուրգի բոլոր թէ արական և թէ իգական դպրոցները, համալսարանը, բժշկական ակադէմիան, տեխնոլոգիական դպրոցը, բանտի վարչութեան ներկայացուցիչները, իրաւաբանական ընկերութիւնները, Մոսկվայի պատգամաւորութիւնը, գրողների ընկերութիւնը, Ս. Պետերբուրգի բոլոր թատրոնների գերատանները, իգական բժշկական դպրոցը և այլն և այլն:

Կառավարութիւնը նշանակել է Գոստոեվսկու այրիին 2000 թուրք տարեկան թոշակ նրա ամբողջ կենսութիւն համար, իսկ հանգուցեալի զաւակները ընդունված են դպրոցներում թագաւորական հաշուով:

ՆՈՐ-ԲԱՅԱՋԵՏԻՑ մեզ գրում են, որ այդտեղ

հմուտ բժիշկ չը լինելու պատճառով այլ և այլ հիւանդութիւններ շատ զոհեր են տանում:

Մեզ գրում են որ Նոր-Բայաջետի հայոց հոգեւոր դպրոցը շատ անմխիթար գրութեան մէջ է: Տեսուչը ամիսներով չէ երեւում դպրոցում, իսկ հոգաբարձուները միայն այն ժամանակ են ներկայանում, երբ հարկաւոր է աշակերտներից վարձ ստանալ:

ՎԵՐԻՆ-ԱԳՈՒԼԻՍԻՑ մեզ գրում են որ յունվարի 24-ին այդտեղ հայոց թատրոնական ներկայացումն է եղել: Խաղացին «Շուշանիկ» ողբերգութիւնը և «Բռնի ամուսնութիւն» կատակերգութիւնը: Ներկայացումն շատ անաջող անցաւ:

Այն լուրը որ իբր թէ Կառավարութիւնը ղրաւարութիւն ունի այլ ևս չը թոյլ տալ նոր լրագիրների հիմնվելուն Ռուսաստանի մէջ, սուտ յայտնվեցաւ: Յունվար ամսին Ռուսաստանի այլ և այլ գաւառական քաղաքներում թոյլ տրվեցան մինչև 15 նոր լրագիրներ՝ ուսերէն, գերմաներէն և էստոներէն լեզուներով:

Ջարմանալի հայտեցնող ոյժ է մահը: Գեռ մի քանի շաբաթ սրանից առաջ ոչ մի ուսուց լրագիր կամ ամսագիր չը կար որ չը յարձակվէր Գոստոեվսկու վրա նրա վերջին գրութեան նամար, որոնք չնչում են միտքիցով ողով և ատելութեան զգացմունքով դէպի եւրօպական քաղաքակրթութիւնը: Ամենայայտնի լրագիրները և ամսագիրները պարզապէս կախված էին յայտնում որ Գոստոեվսկու ուղեղը հոգեկան անքնական գրութեան մէջ է: Իսկ այժմ, երբ նա վախճանվել է, ամբողջ ուսուց մամուլը այն ծայրայեղութեան է հասնում, որ մոռանալով հանգուցեալի ճշմարիտ գեղեցիկ և հանճարեղ հին գրվածքները, հաւատացնում է որ Գոստոեվսկու միտաւոր կարողութիւնը մինչև մահը թարմ էր մնացել, հաւատացնում է որ նրա ամենալաւ գրութեանը նրա վերջին ստեղծութեանն են, որոնց մի քանի շաբաթ սրանից առաջ նոյն մամուլը խանդարված ուղեղի ծուռնոյ էր համարում:

Փետրվարի 8-ին վրաց թատրոնական խումբը կրկնեց Արծրունու թատրոնում «Փօքեֆ» պիէսան: Նոյն երեկոն խաղացին և Ա. Կրեմեռիի «Տարակուսանք» վերնագրով փողովիլը: Այս վերջինը թէ և տեղական կեանքից, բայց ֆրանսիական ողով գրված և փոքր ինչ անբարոյական ակնարկութիւններով մի պիէսա է: Ջարմանալի է թէ որքան քիչ հասկացողութիւն ունեն թէ հայ և թէ վրացի ընտանիքները, որ այդ տեսակ պիէսաներին բերում են իրանց հետ իրանց երեխաներին և նստացնում լոժաներում:

Ամբողջ ուսուց լրագրութիւնը խոսում է այն գեղծութեան մասին, որոնք յայտնվեցան Կազանի նահանգում այդտեղի նահանգապետ Սկարիատինի կառավարութեան օրով: Սկարիատին արդէն հրաժարական է տուել: Բայտնվեցաւ օրինակ, որ մեծ գողութիւններ էին լինում իգական Գիմնազիայում, որի կառավարիչ տիկինը զողացած փողերը հասցնում էր նահանգապետի կնոջ, որ այդ փողերով շքեղ կերպով ապրում էր և ամենաշաւայ պատուէրներ էր տալիս Կազանի մօզային մագաղաններում: Իրան նահանգապետ Սկարիատինի կաշառակերութեան և գողութեան այլ և այլ տեսակներին, բռնութիւններին, կամալականութեան ու գեղծութեան թիւ ու համար չը կայ:

ԱՐՏԱՔԻՆ ՏԵՍՈՒԹԻՆ

ՔՈՒՐԴԱՀԱՅԳ

Հայք իւրեանց անկախութեան ժամանակներն այլ և այլ ազգեր կը նսած են: Նօքա իւրեանց հայրենի երկրին մէջ մեծամասնութիւն կը կազմէին, ախող ցեղն էին, և բացառիկ ոյժ գտնելով քաղաքական անկախութեան մէջ, անհակառակելի և գրեթէ բնական առաւելակշռութիւն մի ունէին նոյն երկրին մէջ բնակող այլ փոքր ժողովրդոց վրայ, և ըստ որում հզօրը միշտ

տկարը կը նսած է այն ժամանակներն՝ երբ տկարը, քաղաքակրթական յառաջդիմութեանց շնորհիւ, իւր անհատական գոյութեան համար դեռ զօրութեան ուրիշ երաշխաւորութիւններ չունէր, ուստի Հայք այլ երբեմն կը նսած են ուրիշ փոքր ժողովուրդներ որոց վրայ իշխանութիւն ունէին: Ստար երկիրներէն գալով Հայաստանի մէջ հաստատուած գաղթականութիւնը ալ նոյն բաղդն ունեցած են: Արդ Հայք, իւրեանց անկախութիւնը կորսնցնելէ ի վեր, տուած են զայս Հայք իւրեանց կարգին կը նսած են իշխանութեամբ կամ թեւով հզօրացին ազգերէ: Այսպէս, յիշատակելով այն պարագայներն և եթ, որոց գործնական օրինակներն այժմ իսկ մեր աչաց ներքեւ ունիմք, Հայք արեւելեան և հիւսիսային արեւելեան Հայաստանի մէջ խառնուած են Կաւկասեան ցեղերու հետ, զիստաւորապէս վրաց հետ, և հազարաւոր վրացիներ կան այժմ որք զիտեն թէ իւրեանց նախնաւորք Հայ էին: Հիւսիսային Հայաստանի մէջ և Հայաստանէն դուրս այլ տեղեր, Հայք թուրք եղած են հազարաւորներով այն բարեբաղդաբար մոռցուած ժամանակներն՝ երբ խառնութիւնը զինու զօրութեամբ կը յառաջդիմէր: Գլխաւորապէս, Կարսի, Արտասանի, Կարնոյ և Տրապիզոնի նահանգաց թուրքերուն մի մեծ մասն այս տեսակէն են, որպէս կապացուցուի ոչ միայն պատմութեամբ, այլ և նոցա դէմքով, աւանդութեամբ և մինչև իսկ լեզուով: Արեւմտեան Հայաստանի մէջ Հայք Յոյն եղած են, և Հայկական գաւառաց մէջ Յոյներն ընդհանրապէս Հայ սերունդէ լինել կը կարծուին: Բայց նոյն իսկ Հայաստանի մէջ, մանաւանդ Հայաստանի հարաւային մասանց մէջ, հազարաւորներով Հայք Քուրդ եղած են: Ապահովապէս կրնամք ասել թէ Տէրսիմի Քուրդք գրեթէ ամբողջապէս Հայ սերունդ են, որպէս կապացուցուի բազմաթիւ նշաններով: Նոյն բանը կրնամք ասել Վասպուրականի, Տարնոյ և Միջագետաց Քուրդերուն մի կաւոր մասին համար ալ: Այն Հայք որք զարեւ առաջ քուրդացած են, այսօր գրեթէ անձանաչելի են մեզ, թէ և յոյժ մերձաւորութիւն ունենան այլ և այլ նկատմամբ: Նօքա բռնութեանց ժամանակներն հզօրացին ցեղի մի առջև տեղի տալով իւրեանց փրկութիւնը գտնել ուղած են: Այդ տեսակ բռնութիւնը այսօր չը կան: Բայց այն ժամանակներէն կտակեալ վիճակն այժմ իսկ կը շարունակէ հարաւային Հայաստանի այլ և այլ գաւառաց մէջ: հազարաւորներով կը համրուին հարազատ Հայեր, որք ամեն կողմէ Քուրդերէն շրջապատեալ հետզհետէ քուրդանալու վրայ են: արդէն կորուսած են իւրեանց մայրենի լեզուն, Հայկական անունները իսկ, և այն քրիստոնէական կրօնն, որով և եթ կը զանազանին իւրեանց Քուրդ զրացիներէն, յոյժ նսեմ գաղափար ունին նորա վրայ: Այս Հայերն են որ ՔՈՒՐԴԱՀԱՅԳ անուան երեք կը ճանչուին: Նօքա կը բնակին՝ Տարնոյ կողմն ի խոյթ, ի Սասուն, ի Նիզան, Լայն, Վասպուրականի կողմն ի Մոկս, ի Շատախ, յԱղբակ, Լայն: Միջագետաց կողմը, հարապէքի զհարաւային գաւառներն, և ի Մարտին, ի ձէզիլէ, Լայն: Այս տեղերու Հայ ժողովրդոց նիւթական վիճակին խեղճութեան հաւասար բան մի եթէ կայ, այն ալ նոցա բարոյական և ազգային ողբալի վիճակին խեղճութիւնն է:

Արդ, եթէ թող տամք որ իրաց վիճակն այսպէս շարունակի, այդ հազարաւոր Հայերն, — իւրեանց կարիճութեամբ, տոկունութեամբ, հաւատարմութեամբ և այլ հանգամանք Հայութեան այդ ընտրելագոյն գա-